

東臺縣志卷之二十四 傳五

儒林

學判漢宋末論拘墟孰求諸實孰課於虛先哲後  
哲殊軌同途束躬飭行式表里閭箋經翼傳疏妄  
祛誣比類而登庶幾步趨志儒林

明

王良初名銀王守仁爲更名字汝止號心齋安豐場人  
也七歲受書鄉塾貧弗能竟學弱冠父使治商往來  
齊魯閒已又業醫嘗過闕里謁孔廟及諸大儒從祀  
瞻注久之大息曰是聖人者可學而至也同輩駭其

東臺縣志

卷之二十四

儒林

一

言及歸取孝經大學論語日誦讀置袖中 人質疑  
義輒中理解父竈丁役於官冬晨起寒甚良痛哭曰  
爲子而令父如此得爲人乎出代親役入定省惟謹  
一夕因夢頓悟心地洞徹覺天地萬物與已一體寤  
而識諸壁曰正德六年閒居仁三月半居仁其堂也  
自是行中規矩坐修容儀循誦默識意恬如也聞王  
守仁倡學江西往謁焉執木簡署曰海濱生名其冠  
曰有虞氏之冠其服曰老萊子之服踞上坐與守仁  
語良知及堯舜君民事業抗辨不爲屈居數日有省  
曰吾人之學飾情抗節矯諸外先生之學精深極微

得諸心者也乃始執弟子禮守仁語人曰吾持萬衆擒宸濠未嘗動心今日爲此生心動矣良益自任從守仁歸里歎曰吾師倡明絕學何風之不廣也還家製小車北上所過招要人士以師說化導人聚而觀者千百顧良言多出獨解不循傳註且車服悉古製皆駭異之抵京師同門生匿其車趣使返守仁聞之亦不悅良往謁拒不見守仁送客至門良長跪道旁守仁不顧而八良隨八呼曰仲尼不爲己甚者乃揖之起自是益斂就繩法復游吳越閒因百姓日用以發明良知之旨究極於身修而天下平其言曰心有

所向便是欲欲有所見便是妄旣無所向又無所見便是無極而太極又曰知愚夫愚婦與知與能與鳶魚飛躍同一活潑潑地則知性矣語持躬太嚴者曰君子不以養心者害心有問放心難收者呼之輒應而起曰汝心見在更何求乎曰卽事是心更無心矣卽心是事更無事矣郡守召辭以疾謂門人曰致師而學學不誠矣往教教不立矣不往是不仁也必往是不智也此道也或勸之仕或勸之著述皆不應劉巡撫節吳御史悌俱疏薦不報守仁卒於官良迎喪桐廬營其家良年五十餘卽家講學遠近畢赴王氏

弟子遍天下率都爵位有氣勢良以布衣抗其閒聲名反出諸弟子上持論益高音咳盼顧皆足動人其教大行及寢病夜有光燭地達旦語門人曰吾將逝乎顧仲子璧曰汝知學吾何憂遂卒年五十八門人為之治喪私謚文哲四方會葬者數百人所著語錄及樂學歌孝弟箴求仁方格物要旨明哲保身論仁以為己任賦海內傳為圭璧良傳泰州林春貴溪徐樾樾傳永新顏鈞鈞傳南城羅汝芳永豐梁汝元汝芳傳歸善楊起元合肥蔡悉崦周汝登汝登為泰州分司判官有傳在名宦

參明史  
泰州志

東臺縣志

卷之二十四

儒林

三

王棟

良族弟江西豐城縣教諭擢深州

學

心理學崇祀鄉賢祠

王衣字宗乾良長子會物有本末之旨以起父格物致知之說崔第詩所謂格物曾聞啓至聰者也精翰墨酷肖王守仁體率弟璧游學江浙立宗會光大家學

卒配享崇儒祠

心齋集

王璧

一作璧

字宗順號東崖良次子九歲隨父謁王守仁

命之歌意氣恬易歌聲若出金石守仁曰吾越中無此兒也奇而授之學踰十年歸已復之越師王畿錢德洪學益邃制行嚴謹父歿璧始授學四方聘之十

講者甚多曾謂麻城耿定向曰道者六通四闢之塗也藉謂我有之將採取焉而又曰我能得之則已離矣聞者大服其言襃敦孝弟睦宗族取舍以義喪祭必遵古禮建先祠置祭田月朔率子弟致奠考其一月中所爲竟曰乃罷中丞凌儒疏薦於朝將召用襃堅卧不起臨終屏婦女母使近諭子弟親賢講學語不及私

參州志  
場志

王禔字宗飭良三子性嚴介善詩歌精翰墨講投壺禮註先公遺錄著語略等書傳於世初艱于嗣會歲饑禔鬻產捐賑未幾生子之廉相者嘗謂其有陰隲文

東臺縣志

卷之二十四

儒林

四

見於面焉

王補字宗完良四子註周易解族譜序詩歌學者稱之王裕良第五子也幼敏慧過目成誦十歲能屬文善爲詩甫成童註周易六卷年十八而卒

以上心齋集

季宦字存海安豐人少隨父爲商有牙僧以五百金寄其舍遇盜入盡攫其室中資而寄金在他室獨存其人至立還之其不欺如此旣而曰謀食不如謀道乃師事王良二子補郡庠生復出產以爲學田

周崇壽安豐人性聰穎八歲能詩受業王良之門悟良知爲性天作用隨處皆可時習之語良喟然歎曰起

子者童子也始可與言一貫矣自是以聖賢自期至老不倦卒爲醇儒有文莊遺集藏於家

殷字邦實富安人性剛毅少聞王良講學卽執贄就見不事口耳期於力行良以大器期之扃戶誦讀耄而不倦分司周汝登造廬請業旌其門曰篤學眞修居士

吳瑾字伯瑜富安人少廩於庠師事王良倡明理學歿後配享良祠

梅金號東齋本城人爲河南周王府審理以理學見知於王良喜爲詩四方縉紳多與遊分司徐鵬舉尤器

東臺縣志

卷之二十四

儒林

五

重之

梅月字子垣富安人庠生清介謹飭言動合於矩矱聞王良樂學勉仁之訓遂大契悟

梅聖安豐人師事王襃潛心學問襃將卒門人有詢後事者第令聖雅歌其側其見重師門如此

王宏道安豐人生平篤信謹守師事王襃一以恬退自守不令子弟違義謀生計雖一室蕭然講習雅歌之聲不輟

周揚梁梁人事王襃三十餘年深於理學後進多所引

壽八十九

徐治字景文新竈人生平醇謹與物無競常師事王襃

父死廬墓三年

以上天啓中十場志

徐懋勛字觀湖安豐人庠生事王襃確守師訓廉隅謹

飭晚年嗜道愈篤既自得又恒舉以誨人纂徐氏族

譜以明宗法

東崖集

周思兼字紹旦安豐人州庠生事王襃謹恪誠信取與

以義選錄定庵周公遺稿行於世配享崇儒祠

東崖集

季寅字存威安豐人少年膂力過人喜騎射搏擊從兄

宦勸之向學乃折節讀書從王襃講習嘗詠竈居苦

數章以諷齏司有風人之旨焉

東臺縣志

卷之二十四

儒林

六

程泮富安人壯年向學師事王襃曾刻其遺稿

黃鈺字子元梁梁人孝友著聞師事王襃分司周汝登

延主社學著有考槃集

吳愛富安人早年慷慨喜任俠既壯狷介自守遊曾金

簡門從事身心之學晚年多所解悟爲心齋木主祀

於家

葛雷字應龍號禹川本城人庠生師事王襃講明理學

身體力行年未五十卽棄去鉛槧閉戶閣修時分司

周汝登構泰東書院延之主講

葛天民字田純雷之子庠生以歲貢薦八大學任福清

縣丞轉山東街經歷既歸於泰東書院倡會講學

司舉鄉飲及門不就著有世德 藏於家

維浙本城人幼事孀母稱孝及長篤

於心性常與 問難竟夜

朱緯字文之何槩人事親

理學往從之恍然有悟 身

周汝登延之主泰 書

李庭芳卒城人少 生後領歲薦爲鹽

清介既 操守益 年八十猶倡明理

進

東臺縣志

卷之二十四

儒林

七

金文光

生性行

良

朱必顯本城人樸 終身 嘗有疾言 色 性

命之學至老不

姜應選本城人會悟良 講求性理居恒以不 爲主

繆瀧楫茶人由貢生任成 衛教諭篤倫 尚忠信尺

步繩趨晚年與從子三陽砥礪性命之學以省察克

治爲工夫淑世淑人爲已任壽八十

好信楫茶人忠厚醇謹 王良爲人置木主於家事

以上天  
十場

王元鼎號天真良曾孫師事新安理學陳 立志

學遵父遺命纂修族譜建家廟立義塾睦 族訓子

弟所著大學洩臆投壺譜內外品演文成公文貞祖

寓庸小傳等書行世

王 第良曾孫沉潛簡默克紹家學在鄉黨恂恂如也

詩歌善談論 以上心齋集

國朝

吳道昌安豐人州庠生潛心理學

王公祠闡揚宗旨平 十餘精

袁 昭字銘新本城 孝讀

東臺縣志

卷之二十四

儒林

八

為主少補郡

自 母

藥刺血寫疏籲

小

諒至引錐自刺手腕流

官租私債竭蹶代償勸

所有穀數十斛分給貧窶冬月 者解

他如掩骼施糶諸善端不可枚舉一日見王

堂集豁然有省從此參究良知之學熊少參閒

之俾主講席一時來學甚衆卒年九十六歲著有省

言心印藏於家

姜雲鵠本城人質美而志端其學以本體為主深契良



知之說特建王良祠肖像其中朝夕偕同人講貫期以淑人善世一時學者翕然從焉

王之藩梁梁人持躬耿介動以古道自處生平無僞行

虛言尤究心理學士論推之

以上康熙中十場志

田毓芝字明符秦潼鎮人有至性少習制藝鍵戶卻軌者數年補郡庠生益嗜學有志性命之學以王良爲宗言物行恒見者以爲先民復出也晚年務恬退六舉鄉飲大賓不就修家廟置義田父母皆壽近百歲於其喪猶爲孺子泣居嘗語人曰吾生平慕心齋先生獲置木主於其側竊附門下士足矣嚮往理學雖

東臺縣志

卷之二十四

儒林

九

垂死不忘焉著有樂天堂稿十卷

泰州志

張符驤字良御安豐竈籍博極羣書二十補郡庠生卽屏時藝篤信理學與陳大始等論性理往復辨難多前儒所未發爲古文法歸震川康熙四十六年

巡召試獻竹西曲張文正公第其詩一等入國子監辛丑始成進士改庶常在館三年遂告歸編輯宗譜獎勵後學遊其門者益衆少時曾焚券二篋通籍後貧約如故不私謁官府然於捐賑濬河修隄諸有益鄉里之事必力贊成之黃山閔賓連卒於廣陵驤葬之蜀岡爲其子續娶使之有後平生尤好表章節烈故所

爲傳記尤多著有依歸草文集自長吟詩集

沂州

通天地人之謂儒漢之董仲舒東漢之鄭康成斯  
大儒矣史家皆爲立專傳而至授經承師之士乃  
類八於儒林此蓋有微意焉宋史欲尊周程張朱  
五子特標其名曰道學以冠於儒林之上褊矣東  
邑自王心齋先生講學安豐大闡陽明之旨數十  
年間士夫靡然嚮風殆授經承師之遺意焉而場  
志標莫名曰理學其宋史道學之稱歟 類而  
序之曰儒林其不爲此學者則概入於文苑